



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS,
manè discutienda in Scholis Medicorum die Martis secundâ Januarii
M. DCC. XLII.

M. JACOBO-ALBERTO HAZON,
Doctore Medico, Præsîde.

*An in calculo renum & vesicæ, pro naturâ calculi, et ætate, & temperamento agrotantis;
Remedium Alkalino-Saponaceum Anglicum.*

I.



ORBOS inter chronicos quibus affligitur corpus humanum reperiatur vix ullum calculo graviorem; ægritudo longa, acuta, periculosa; eò cæteris formidanda magis, quòd longo cruciata vitæ principia sensim sine sensu, quasi è longinquo, suffodit, atque non nisi summâ dolorum vi enecat. Productus in rene calculus ab exilissimo germine, gravia semper non secum affert symptomata; residet aliquando diù in rene inclusus, nec sui dat indicia; aperto quinetiam cadavere detectus est, attamen homines, dum viverent, de eo fuerant ne conquesti quidem: ast si paulò celerius lapis sumpserit incrementum, si fuerit vel leviter concussus è ve. suâ sede dimotus, casu, motu violentiori, injusâ corporis aliquâ

motione, ictu, vecturâ duriùs succellante, vividioribus animi pathematibus, pravâ victûs ratione, proh! qualis miserum circumvenit symptomatum cohors. Ingruente malo, primùm adest lumborum dolor gravativus ponderosave tensio; brevi summè intenditur, nephritis tunc audit, occupat partem lumbarem posteriùs, immediatè sub ultimâ costâ spurâ, propè spinam, ad angulum; ibi fixus est dolor atrox, clavi instar deurentis, quem quasi vellet æger penitus expellere, videas in obvia quæque corpora durissima validè latus premere, infingere per quàm flebiliter. Interea accenditur febris, pulsus præ dolore contractus est, aliquando velox, inæqualis & etiam intermitrens: nervi doloris stimulo laceffiti, partes vicinas in spasmos agunt; prior in partem mali venit ventriculus, nausea primùm & vomitritio, vomitus inde excitatur cum multo labore, unde pituita, bilis viridis & flava successive ejiciuntur; quandiuùm perseverat dolor, supprimitur alvus; continuato dein ad partes inferiores nervorum erethismo, percipitur retractionis sensus in testiculo vel inguine pro sexûs discrimine; stupore dein afficiuntur crus & tibia lateris affecti. Ineunte paroxysmo, urina pauca est, aliquando cruenta, plerumque cruda tenuis & limpida, in statu nulla; remittente, propter delapsum calculi velarent, redditur spissa, turbida, rubicunda, plena sabuli, humore re-ferta glutinosa & filamentosa rariusculam æmulante lanuginem. Ubi à substantiâ renis fertur ad vesicam per angusta ureterum lapis, si sit asper, rugosus, aut illius diameter sit paulo major, quot vicibus movetur, tot infligit ægro dolores acutissimos; si unus duntaxat ureter calculo gravatur, tota pars istius lateris male se habet stupore quodam importuno; si ambo ureteres calculo impediuntur, totum abdomen quasi continuo molestè premitur. Ne mireris tot ab uno proficisci morbo accidentium species, motus acules sympathicos; nervorum propagines quæ à trunco nervi sympathici majoris & medii oriuntur, * ad eas omnes quas recensimus modo partes late disperguntur. Hæc sunt symptomata calculi renum soboles, quæ ap-primè nosse oportet. Preteritum est, ut à cæteris infimi ventris agriudinis rite distinguantur quibuscum aliquatenus conveniunt.

* Winslow.
Anatomic. Trai-
té des reins.

Hæc symptomatum discrimina morborumque differentias accuratius discernere est animus: Non solum allatam modo symptomatum syndromen adeas, sed animum applices præcipuè ad sedem morbi & ad signum pathognomonicum, quod unicuique morbo ita specialiter contingit, ut alteri cuiquam congruere nequaquam possit. Sic cholera morbi sedes in regione est umbilicali; in cholera, bilis supraque infraque magno impetu prorumpit; in nephritide humores sinceri minis ano duntaxat ejiciuntur: in cholera, cum vomitu anxietas summa, virum prostratio, extremorum frigus ægrum malè torquent; in nephritide vomitus aliquid affectu solati. Sic in hepatitide, dolor spatium emittitur omne, quod est à regione epigastricâ ad lumbarem posteriùs, ubi phlogosis partem occupat convexam, vel dolor regioni insidet epigastricæ & quidem interiori, ubi phlogosis partem hepatis tenet concavam; urina, quæ, sæviante nephritide nulla sunt aut albæ, sæviante hepa-titide, sat libere fluunt & lateritia; quæ ægrè subducitur in nephritide alvus, sat copiose deijcit in hepatitide, si modò paululum sit remissa inflammatio. Ilei nephritidisque & sedes & signa plurimum differunt; Ilei sedes regio est iliaca; ibi etiam excrementa alvina vomitu rejiciuntur cum anxietate summa, & frequenti animi deliquio; hæc ileo essentialia signa in nephritide absunt aut rariùs occurrunt. Neque est quod te deludat enterocæles, qui oritur ab exili plerumquè tumore in ali-quâ abdominis parte delitescente. Fucum ne faciet colicus genuinus intestinorum dolor; cum variet pro intestino affecto, tum accedit abdominis tensio levi tactu exasperanda, non idem in calculo renum: in colico intestinorum dolore allevat ut plurimum profluvium alvi qualecumque sit; urina nec ita crudæ, nec ita sup-

4

quamdam terrestrem durissimam : terra sola & alterâ quâcumque destituta substantiâ, quâ sua inter se principia coagmentur & veluti conglutinentur, corpus ex se admodum compactum durumve efformat nunquam : unde intellectu facile est, materiem hanc terrestrem quæ ab urinâ secreta depositaque fuit in fundo vasis, parte salinâ & oleosâ crassiori esse coadunatam. Jam verò trium horumce principiorum in calculo humano si quæras originem, eam facillè inveneris : alimentis quibus vescimur trinam hanc continent substantiam ; ea assumimus egerimusque ; ante assumpta & post egesta, ea principia sunt semper eadem, ut pote quæ, cum sint simplicissima, alterari nequaquam possunt ; substantiæ sunt semper eadem, nec sibi dissimiles ; nihil est differentiarum nisi in partium conjunctione, misturâ, attemperationeve variâ : si quid est mutationis, illud in vario attenuationis, volatilisationisve gradu consistit, quem liquidorum circuitus, eorum motus intestinus, tritusve solidorum attulere : hoc posito, calculi formationem in rene facile intellexeris ; ut enim generetur, sufficit ut, quemadmodum pars tartareæ urinæ deposita fuit in fundo vasis cui asservabatur, deponatur eadem partim in substantiâ renis ; atqui plurimæ causæ hujus materiei deponendæ animum præbere possunt ; primò copia & ubertas hujusce substantiæ crassioris in sanguinis alveo contentæ : secundò vitium ipsorummet canaliculorum qui sunt lotio fecernendo dicati : sanguinem humore factum terrestri & glutinoso calculo progignendo esse idoneum, illud pro-palam est, plurimisque exploratum argumentis : calculi primordia plerumque incipiunt apparere, ætate paululum jam provectâ, quâ humor iste terrestris & glutinosus in sanguine incipit abundare : vulgarior est calculi morbus in viris quam in mulieribus : ejusdem veritatis totidem sunt specimina homines ipsi calculosi, viri scilicet, si labem non acceperunt traducem à parentibus, ut plurimum melancholici, sedentarii, gulæ dediti, studio ferilive intenti laboribus, qui ideo liquidorum gaudent circuitu remissiori, cibos operosè concoquunt, ægre fecerunt, quorum proinde liquores sunt crassiores, stases patiuntur ubique, simulque congeruntur : viri denique quorum vultus totiusque corporis habitus lentescentem intus humorem & quasi lapidescentem sæpe prænotant : en primum calculi rudimentum, ut in rene, sic in quâcumque corporis parte eadem causâ oriundum.

Temperamento ita iniquè ad lithiasim comparato, si accedat vitium aliquod ipsi glandulis tubulivæ renalibus insitum ; calculum procreari jam necessum est : porro duo in rene vitia in causâ sunt, cur materia calculea ibi inhibita deponatur, restrictio scilicet fibrarum renalium, nimiae relaxatio : restrictione nimia, pars lotii serosa magis tenuiorque transcolatur, crassiore retentâ : in relaxatione nimia, cum fractus penè sit fibrarum tonus, elatervè debilitatus, evenit inde ut, substantia renis imperfectè tantum exoneretur, materiaque lotii viscosa tubulorum affixa parietibus insensibiliter adhæreat. Utroque admisso renis vitio, ponamus jam exiguum materiæ terrestris portiunculam alicui renis angulo retardatam commorari, alteri terræ portiunculæ moram afferret allabenti ; pars utraque materiæ viscosa conglutinabitur, quæ tertia advenienti erit impedimento ; ibi inviscabuntur multæ aliæ terræ mucivæ portiones huic basi cæci nucleo conglobandæ. Sic exurgit in rene arenularum acervus, qui calculus audit, eodem ampliandus mechanismo. Quæ de calculo renum allata modo sunt, eadem de calculo vesicæ dictâ sunt, eo discrimine, quod vesicæ calculus sæpius habeat initium à calculo è rene delapso cui per orbis & lamellas accrescit : non hic omittendum adultos calculorum, pueros vero vesicæ calculo esse magis obnoxios ; ratio in eo sita videtur esse, quod infantes solidiorem à naturâ nacti renum compagem, vesicam habent infirmiori, adultis vero cum sit renum Parenchyma textura laxioris vesicæ.

gaudent firmiore: quartis forsan, cur concretio lapidosa renem & vesicam præcipue neglectis aliis corporis partibus, affectare amet: accipe; confecta chilosæ, secretio urinæ est omnium secretionum prior, unde concludas oportet lotium partibus chili & sanguinis crassioribus & terrestribus magis abundare, quia scilicet hæ partes brevi reduces à vasis majoribus, & colatoria minora numero subière, & solidorum tritu minùs sunt verberata & attenuata minùs.

I I I.

PRÆLIBATA notione quæ pertinet ad calculi formationem ejusque nativa principia, sequitur ex ipsâ re cognitio remedii calculo dissolvendo idonei: calculus constat partibus terrestribus & salinis, quæ materie viscosæ cæi glutine compinguntur atque ferruminantur; indagandum igitur est remedium constatum partibus ejusmodi, quæ in hac diversâ principia specificâ gaudeant actione, quaque simul visceri cui lapis includitur saviùs non inimicentur: atqui remedium alkalino saponaceum Anglicum hisce virtutibus prædium agnoscitur: illud pharmacum ferè totum sapo est Hispanicus vulgaris & eximius; sapo vulgaris est compositum quid ex lixivio sodæ lixivio calcis & oleo olivarum ad spissitudinem solidam coctum: porro vis unita triplicis hujusce substantiæ quâ sapo coalescit, mediante aquâ sanguinem ingreßa, agit in partes calculi salinas, terrestres & sulphureas: aqua inter mensitua virtute pollet non mediocri, salia dissolvit, terras penetrat, emollit, secumque abripit dispersitas. Oleis & sulphuribus oleum est menstruum analogum; huic adjutricem si præbeat operam sal alkali; oleum in olea, resinas & sulphura, ut ut tenacia induratave sint, ingreßum habeat peculiarem necessum est: sal alkali fixum & lixiviale pororum configuratione actionem suam exerit, asperum quippe aculeisve horridulum, oleorum, pinguedinum sulphurumque partes filamentosas & intricatas quibus volvitur, attenuat, dividit, potenterque segregat: calx partibus igneis quibus tota facta est, omnibus hisce substantiis, vitam afflat morum & celeritatem, vimque inserit incredibilem.

Hoc mechanismo, horumque principiorum consociatâ virtute calculus renum & vesicæ dissolvitur: pars calculi sulphurea & viscosa, quantumvis tenax & indurata, emollita sensim paulatimque attenuata sale & oleo quod in sapone dominatur, penitus tandem dissolvitur; Quid tum? Quæ priùs captivæ tenebantur, visco concatenata calculi partes terrestres & salinæ, expeditæ paulatim & per partes à vinculis, paulatim corruunt, cum lotio foras amandandæ; inde tot lapillorum frusta, fragmenta, squamæ, cæmenta excreta cum urinis calculoso- rum hominum qui hoc- ce utuntur remedio; inde materiei glutinosæ, lutosæ, argillosæ, gypseæ, cretaceæ plurima colluvies iisdem in urinis in formam sedimenti observata. Ejusdem remedii virtus saponacea roboratur testis ovorum, vimaceisque limacibus calcinatis; addita hæc medicamina efformant calcis speciem, terramque absorbentem, in id apprimè utilem, futurum ut præcaveant alvi fluxum quem oleosa saponis substantia citò posset accersere; suppeditant quin etiam pauxillum salis, quod sanguini mixtum, sali sodæ adjungitur, virtutemque saponis auger solutivam: eidem indicationi collimar virtus plantarum, quæ cum sapone ebulliunt; ex iis quadam sunt paululum oleosæ, carminativæ & stomachicæ; aliæ vero salinæ magis & aperientes. Hic animadvertere lubet obiter, hoc- ce lithontrypicum, etli inventi novi laudem sibi vindicare meritò possit, saponem si species, in quo reverasita est hujus- ce remedii præcipua vis maximaque potentia, novitatis titulum arrogare tamen sibi non posse, si habeas rationem limacum putaminumque ovorum calcinatorum, de quibus apud autores (a) plurima sit mentio, quæque tamquam eximia saxifraga fuerunt dudum decantata: pharmacum totum quantum est, (in integro enim virtus) absit ut suo velim honore defraudare.

A iij

(a) Vanhel-
mont Deckerti
cod. ex. Phæ-
macudi.

tum. Pilulæ saponacæ quibus partim conflatur remedium istud Anglicum minoris sunt energiæ, quam ipsa potio; proficiat sunt in ipsis paroxysmis doloris nephritici; profunt etiam ubi potionem pertinaciter respuit ventriculus, vel denique post ipsius usum ditutnum, si vicariam exposulet opem ipsa ægritudo.

Menstruum ita prepotens, quantumvis laude dignum, ad usum tamen interierem nequitiam esset evocandum; si in membranas acerbè agere ut reni præcipue & vesicæ dolorem atque detrimentum afferre valeat. Atqui partem corporis ullam, minime vero renem & vesicam, male afficere non potis est: quas enim continet partes salinas acres & lixiviales, earum melle & oleo præsertim quod abundat ita sunt extenatæ, intricatæ, atque irritatæ, ut nocere nequaquam possint: præterea id medicamenti adhibeas numquam, nisi præmissâ præparatione, cautioneque diligenti, quæ tanti sunt momenti, ut iis omisissis neglectivè, parum aut nihil succedere hoc- ce lithontrypticum probaverit eventus: de iis præparationibus infra, apud autores enim ipsos hujusce lithontryptici, ne verbum quidem.

Demonstrata jam est analogia inter calculum dissolvendum & remedium dissolvens: dissolventis probata est actio à similitudine & convenientiâ principiorum quæ mutuos in se habent ingressus: nunc ut virtus eadem pateat evidentiùs in medium afferenda sunt experimenta tentata in urinas agrotantium, qui assidui laudato usi sunt medicamine: Illa experimenta celebrata à Pharmacopæo (b) peritiæ, famæque non vulgaris, declarant hoc- ce menstruum sanguini misceri, cum sero coalescere, ipsique sua principia suasque conferre proprietates. Accipe » urinam potionem saponacæ pulveribusque de quibus » agitur dudum imprægnatam, vaporet ad siccitatem, residuum est massa fusca, » ipsilla, salibusque ita referta, ut à centro ad circumferentiam tota striata appareat: » reat: hujus massæ deliquium, segregatum à parte oleosâ, si cursus vaporet, sal » exhibet sali sodæ proximum, simile sali quod idem author à sapone extrahit. » Que finitâ operatione superest pars oleosa ipsum est saponis oleum «

Urina eodem imprægnata remedio, urinolum quid magis alkalinumque redoleret, (c) quam urina vulgaris, eadem syrupum violaceum colore mutat viridi, cumque acidis fermentescit paulò vividius quam solet sanorum urina: eidem, si asservetur aliquandiu, videas supernatare oleum tenuissimum quod ipsum est saponis oleum.

His experimentis constat sal sodæ oleumque quibus sapo conficitur, in sanguinem intromitti, seroque communicari: serum sanguinis hac principia cum intimè ebiberit, sit ipsum dissolvens, ipsum materias gummosas resinosasque, calculi nexum, penetrat, dividit, secumque abripit dissociatas. Dubitas? Inspice urinas, earum in medio suspensam cernere est materiem glutinosam, filamentosam, gossipio aliquatenus similem, sibi que sat stricte coherentem, que nihil aliud est quam sulphur crassius, nativum calculi vinculum. Novam desideras probationem? Rursum advoca chymiam: urina de quâ mentio, » misceatur cum oleo cal- » cis per deliquium, (d) fiet præcipitatum ex albo flavescens, ex quo dato temporis » spatio separatur materies quædam gravis, pinguis & mucilaginosa quæ sensim » exsiccat glutinisque taurini ad instar indurefcit: urina sanorum cum oleo cal- » cis mixta leve duntaxat efficit coagulum, nullo apparente glutine, atque non » nisi difficillime exsiccat & induratur. purissimi talis sodæ solutio huic affusa » urina, massam flocculis albis sibi que coherentibus conflam dat præcipientem: » fortissimum sodæ vulgaris lixivium flocculos hosce segregat disjungitque, solet ut » oleum calcis per deliquium efficere.

Age nunc menstruo saponaceo dissolvitur mucago durissima quâ calculi pars terrestris vinctâ tenebatur, nonne inde totius calculi consecui debet destructio.

(b) Monsieur Geoffroy, Lettre de M. Geoffroy à M. Harteley dans le recueil d'observat. sur les effets du remède de Made. moielle Ste. pieux.

(c) Ibidem. Détail de quelques expériences de M. Harteley.

(d) Ibidem. Lettre de Monsieur Geoffroy à M. Harteley.

proindeque ægrotantis perfecta sanatio? de quâ fidem faciunt plurimæ observationes: argumentum est oculis conspicienda in fundo matulæ deposita plurima materies alba, cretacea, sabulosa, quæ est ipsa calculi pars terrestris ejecta cum urinis. huic-ce- veritati vires addit novum hoc experimentum. (c) Calculum humanum mitte in urinam calculosi hominis potioni saponaceæ dudum affusæ: urina ejusmodi pluries renovata calculum paulatim penetrat, minuit dissolvitque integre: dixi adhibendam esse urinam hominis portioni saponaceæ dudum affusæ; lorium enim recenter duntaxat hoc imbutum medicamine, cum magnam arenarum sedimentique vim secum devehat, calculum gravaret ampliaretque, nedum minueret dissolveretve.

(c) Ibidem.
M. Hatterley, détail de quelques expériences.

Ecquis saponis vim solutivam impugnare audeat? Pleraque medicamina in morbis administrari solita saponem agunt: quid sunt apofemata, jusecula amara, remedia in morbis tam acutis quam chronicis, ut vulgarissima sic efficacissima? succi sunt herbarum plerumque sale neutro medicati, melle, syrupo, carniūve animalium jure edulcati; emulsiones sale quodam falso stimulatæ virtutem quoque saponaceam referunt: hæc omnia saponis liquidi speciem exhibent. Boli, Electaria, opiata, extractis, salibus, gummis & resinis confecta, melle, syrupove concorporata, saponis solidi speciem quamdam æmulantur: hæc remedia salina simul & oleosa ad instar saponis vulgaris actionem suam exerunt, phlegmata incidunt, resinas detergunt, sales heterogeneos dissolvunt, terras nocivæque omnia foras eliminant: sic etiam cortex Peruvianus in corpore unitus cum humore bilioso, bilis fit dissolvens: sic radix Brasiliensis materiei intestinorum viscosæ & acri inhærens, ipse fit dissolvendo specificum.

Remedium alkalino-saponaceum anglicum non unicum habeas calculi dissolvens; salia acida purissima ipsum melius dissolverent, citiusque disrumperent, si ad usum interiorem vocari adhucdum potuissent, illave integra, omnibusque suis armata aculeis, innocuè interius adhibendi modum ars edocuisset. Aqua sola fluviatilis purissima, id est parte sua terrestri, quantum fieri potest, orбата; inter egregia calculi dissolventia annumeranda venit: constat experientia lapidem humanummersum in aqua identidem renovatâ, ab eâ paulatim dissolvi, sensim labefactari, penitusque tandem destrui: aqua intus assumpta largius epota effectum ita certum æque felicem obtineret certe, si materiei calculosæ novos appulsus in calculum impediendo par esset; atqui quod efficere sola non potis est, præstat id in plerisque calculosis munita sale alkali, calce & oleo, quibus sapo componitur; hoc adjuncta præsidio, quidquid obeundo offendit crassius terrestre & magis viscosum, illud odoritur primum, deturbat fugatque: deinde cum alimentis miscendo sese, priori chilo insinuat, quem defæcat præparatque, quantos ad usus! Chilis enim cæterorum humorum fons est & origo: tum massam liquidorum omnem pervadit; ibi quidquid est crassum, viscosum, terrestre & glutinosum, sive in oleis, sive in salibus, sive in partibus terrestribus ita comminuit, ut brevi omnis futuræ calculosæ materiæ semen suffocatura sit; novæque illius productiones sufflaminatura: denique liquores omnes principiis suis alkalinis saponaceisque ad id saturationis punctum adduct; ut serum sanguinis ipsum brevi sit futurum totum pene alkalinum, ipsisque concretionibus calculosis dissolvendis aptissimum.

Omnia interius multo melius se habere ipse indicat corporis habitus; brevi suis calculosi non solum levantur doloribus, sed etiam paucorum mensium intervallo, alios quasi in homines conversos diceret; sanguis est fluidior, secretiones sunt magis expeditæ, facies quæ nuper abjectæ, decolores, humoque similes apparebant, nunc hilares, spirantes, beneque coloratæ nitent; qui nuper præ dolore diutino emaciati videbantur, nunc pinguescunt & opimantur, omnibus vitæ civilis muneribus obcundis impigri.

CELEBRET quantumvis suum theoria remedium, huic si non praxis medica natales dederit, illiusve usum saltem non comprobaverit, vanum id, & futile sæpius, imò etiam aliquando noxium habeatur: circa morbos eorumque remedia ratiocinari, utile & sæpius necessum est, aut in ea penès experientiam & praxim medicam summum esto dominium, iudiciumque irrevocabile. Porro quid statuit praxis de remedio alkalino saponaceo anglicolihontrypticumne prædicari debet in omni & qualicumque calculi genere specificum? Ipsius ne effectus nunquam irritus? Convenit & omni ætati & sexui & temperamento? Jam ne oblivisci lithotomi? Ipsæque in vaginâ recondendus in perpetuum? Sit istud in confesso, novum est id remediû, non antiquâ proinde nec multiplici firmatum experientiâ: sat tamen magno observationum numero inclaruit, ut expendi diligenter attentiusque explorari mereatur; ipsius utilitas satis jam innotuit, ut quibus in morbis proficere jam visum est, iisdem in posterum adhibeatur; satis jam cecit faulc, ut inquirantur casus quibus felicitè inservire de novo valeat, ut assignentur denique illi quibus aut non convenire aut nocere quadautendû possit.

Quot homines calculosi, totidem calculorum species; lapides hospitantur, aut in renibus & vesicâ separatim, aut in utroque simul: illorum durities colorque diversus; sunt albi, flavi, rubri, fusco-grisei aut cineritii & nigri. Calculus renum mole minor, vesicæ calculus major, celetiusque accipit incrementum; si solus est in vesicâ, grandior ut plurimum, magis asper, rugosus, & inæqualis; si plures commorantur, minores sunt & superficie læves. In tot tamque diversas calculorum species, æqualiter ne actionem exercit suam lithontrypticum novum? Cave credas; multò debilius renis quam vesicæ calculum impugnat, ratio propalam est, in fistulosâ renis substantiâ brevior urinæ mora, rapidiorque fluxus, quam in cavitatē vesicæ; mucago quidem arenaque renum à remedio saponaceo potenter solvit & abripitur, sed hujusce visceris calculus non nisi post longum tempus, multâ arenâ depulsâ, apertis lubricatisque canalibus extruditur: eliminati è renibus calculi substantia (nisi sit admodum mollis & friabilis) neque erosa neque ullo fere modo detrिता, ut plurimum, observatur; color tantum nonnunquam mutatus alteratque deprehenditur. Aegrotantes nephritide diù multumque laborarunt? Ubi primum hoc ce utuntur remedio, nonnunquam acrem paululum, dolorificamque illius sentiunt actionem; sed ubi mucaginum arenularumque plurima colluvies cœpit everri, sensum obtunditur dolor, penitusque evanescit; id incommodi sæpius experiuntur ii, qui neglectis cautionibus preparationibusque infra dicendis, ad id remedii præcipites & imperiti confugiunt: ex his colligere est quid reni laboranti afferat utilitatis; illum a viscidâ materie lapillulisque lædentibus expurgat, novam omnino calculosam arecet præpeditque progeniem, ipsumque tandem calculum ejicit, non tamen erosum & attritum, solet ut in calculo vesicæ evenire.

Nunc autem quænam sit lithontryptici nostri actio in calculum vesicæ inquirendum. Duo calculorum genera vesicam occupant: aut calculus ibi efformatus genitque est: aut è renibus delapsus, in eâ sensim incrementum adeptus est: qui sponte efformatur in vesicâ lapis, rarior est in adultis; rursus duas agnoscit causas, primò ipsam vesicam in statu morbofo jam constitutam, imbecilem, tono minorem, plicis, rugis, fossulisque multiplicibus lacunosam; ibi impeditur arena, aggeritur, edificaturque in molem lapideam; lapis hujusmodi sæpiissime albus est & sabulosus; secundo ipsum vesicæ humorem vitiatum, mucaginem scilicet vel materiem viscidam, albam, spissam ex ipsiusmet vesicæ glandulis stillantem; hæc materies inflatur sensim & induratur in lapidem, qui substantiâ gypsea vel cretacea omni-

no similis est; huic locum jugiter allabens, suo sedimento adjicit semper aliquid calculosi: à quacumque causâ generetur in vesicâ calculus immediate, semper duritiem habet minorem quam calculus renum, propterea quod illius basis vel nucleus minus est durus & solidus quam nucleus calculi renum. Vesicæ igitur lapis, ille scilicet qui in eo viscere immediate producitur, facilius citiusque dissolvitur lithonryptico Anglico, quam quilibet alius; atque per lamellas frustillatimve divisus aut in pulverem comminutus, cum urinâ foras amandatur.

Si vesicæ calculus à calculo renum ortum duxerit, plures quoque sunt illius species, quæ colore & duritie differunt; species vulgarior, est lapis subflavus & lapis subruber; licet singula granula quibus componuntur hujusmodi lapides, sint durissima, mucago tamen vel gluten quo compinguntur, nec est solidissimum nec impervium; ideo modo diuturnus sit remedii usus firmaque patientia, sensum à menstruo dissolvitur, atque in fragmenta squamulas & portiunculâs duras mollesve expellitur: hic annotandum calculi (flavi rubrive) albas esse semper exuvias: hujus phenomenon ratio ipsam comprobât remedii actionem; agit quippe in sulphur crassius, nativum calculi vinculum, quod à lithonryptico divisiim artenuatum & perpolitum sensim albescit. Est & altera calculi species è renibus advena, qui colore fuscus est, ille silicis æmulus, præcedentique multo solidior, pondere gaudet specifico multo graviore, unde mentrui saponacei tela potentius hebetat, ingressumque negat pertinacius; integram tamen eludere virtutem remedii nescit; ab ipso separantur crustæ, parte externâ albicantes, internâ vero obscuriores: hujus nucleus nonnunquam est inexpugnabilis, idcirco erosâ superficie extenâ, quæ minus semper durâ est, vis remedii frangitur, ubi venerit ad centrum, quod intus in cystide remanet, rudimentum calculi, brevi jam futuri grandioris. Repetitur & in vesicâ alius calculus, colore niger, asper, scoriarum ferri formam & colorem referens, omnium ille durissimus est atque pondetiosissimus; sæpissime à menstruo ne vel leviter quidem stringitur: sunt & aliæ calculorum species, quæ colore & duritie speciebus jam descriptis quadantenus similes, ad ipsas commodè referuntur.

Sic instituto examine perpensaque naturâ variorum vesicæ calculorum, concludere licet in genere, lithonrypticum Anglicum posse convenire tribus prioribus calculi speciebus modo descriptis: calculo scilicet albo, flavo & rubro; fusco autem non adeo præsens, nigro vero manens & irritum esse præsidium, proindeque horum exitum scalpello, illorum lithonryptico esse tentandum.

Hæ sunt practicæ notiones non ita magno, sed bene fido observationum numero acquisitæ circa usum & naturam hujusce medicaminis: de hoc plura dies & usus edocebunt. Hic quæres forsitan, quid calculi ita diversi intra vesicæ cavitatem delitescentes, dignosci à se possint invicem, quibusque ducti indicii ad scalpellum aut lithonrypticum confugere debeamus? Primo, signa pathognomonica & propria reni & vesicæ indicant, quinam calculi ortum duxere à renibus, quinam vero à vesicâ; qui à rene habuit originem solidior est, coagmentatus basi seu nucleo duriori, propter spatium angustius, compressionemque factam à strictiori contextu renum: secundo diversorum calculorum certam habere possumus notitiam ab arenulis sedimento que cum urinâ excretis, qualis enim arena, talis calculus: tertio denique impulsim in vesicam specillum solerti peritâ que manu, de calculi mole & duritie ferre potest judicium fere nunquam temnendum.

Esti diversa calculorum durities majorem minoremve opponat lithonryptico resistentiam, fatendum tamen est, id remedii, quod prospere magis vel minus succedit, habere id, à vi dissolvente plus minusve efficaci, quam impertitur corporis nostri liquoribus: quod virtus hæc plus minusve transeat partibus fluidis,

iis que intimiùs & efficacius communicetur, id pendet ab ipsâ liquoribus insitâ dispositione & variâ pro variis subjectis fluidorum crasi; in quo autem consistat hæc dispositio assignare penes nos adamussim non est.

Addere res ipsa monet, siue per calculi naturam liceat uti lithontryptico ad dissolutionem, siue necessitate compulsi confugere debeamus ad operationem Chirurgicam, in utroque casu remedium saponaceum summæ semper futurum esse utilitatis imò & necessitatis; neque enim satis est si quis calculo liberetur; novam ipsius productionem præcavere summum est operæ-premium; atqui id redundabit commodi à novo medicamenti genere, unde patet illius operam accersendi necessitas etiam celebratâ operatione: præterea sunt vesicæ quædam male affectæ, sectioni Chirurgicæ ferendæ prorsus impares, unde nova ratio, nova que exurgit necessitas, lithontryptici faciendi periculum, modò ægrotans eâ sit ætate constitutus quæ hoc remedio sit ferendo idonea.

Experientiâ notum est hoc medicamentum in puerili ætate & etiam in juvenili, vix prosperos habere successus, illudque effectus edere feliciores eò quò est ægrotans ætate majori provectus: tam mirandi ratio phenomenon posita videtur esse in ipsâmet naturâ remediî, & constitutione corporis juvenilem ætatem degentis: id quippe medicamenti acre genus est & stimulant, in juventutē fibræ teneriores & membranæ exquisitiori sensu præditæ, vividius sollicitantur, faciliùsque convelluntur: præterea idem menstruum non agit immediate per se, transfunditur in sanguinem; ibi cum sero ad mixtum & veluti concorporatum, ipsi suam virtutem indit Alkalinam & dissolventem: verum liquores serosos suâ virtute Alkalinâ imprægnare non potest, nisi illos inveniat aptos natos que, ut ita dicam, ad ipsam recipiendam: porro juvenum partes fluidæ minùs sunt faciles ad istam combibendam virtutem quam senum, quia scilicet illorum liquores sunt multò aquosiores, minùs que vergunt ad alkali, quàm ad acorem aut acidum, quod pugnat contra facultatem remediî saponaceam & alkalinam: contrariâ de causâ multò salubriùs est hoc lithontrypti cum hominibus ætate integrâ constitutis aut etiam consenscente provectis, quæ sanguis spissior parte serosâ minùs luxuriat, alkali que est magis proximus, quæ quidem fluidorum crasis & dispositio cum eo medicaminè mire congruit, quod totum est alkalinum & saponaceum.

Ægrotantis aliquando temperamentum affert quodque nostro dissolventi impedimentum non mediocrem, qui enim delicatiorē à naturâ sortiti sunt corporis compagem, quorum fluida hæreditario aut nativo quodam salso acri charactere obligantur, qui scorbutò, cachexiâ, tussi aliove pectoris morbo detinentur; his potius & aliis aggritudinibus confecti quam calculi doloribus; ab ejusmodi ægrotantibus exulet lithontrypticum Anglicum, quorum vitam absumeret citius, quam calculum ne vel leviter quidem cæperit perstringere: laborat ne aliquis abcessu quodam viscerum aut ulcere renum? caveat à laudatò dissolventi, ne dolores aut sopiti fuscitentur, aut vividiores provocentur.

Ponamus nunc ægrum eo calculi genere laborantem, quod dissolutionis sit capax, eo temperamento donatum, quod sit eidem par probe sustinendo; eâ denique ætate, quæ menstruo favere, illius que operam promovere possit: hoc posito, cautiones, præparationes, diætam que severioribus adstrictam legibus præterea possit propositum medicamenti genus: æger sit in bibendo parcus, ne potionem saponaceam justò plùs diluendo, infirmè: vino admodum sobriè utatur, cibis abstineat crudis conditis que insalubriter, lactis usum abneget, fructuum que eorum maxime qui sunt acidi: corpus moderatè exerceat, moribus animi parcat, corporis voluptatibus immoderatis valedicat animosè: hæc ubi non servantur scrupulosius, nihil sanationis affert severum medicamenti genus: evenitque inde, ut, quod in pravam vivendi rationem esset refundendum,

errori quædiatæ tribuendum, ipsi remedio, licet immerenti, vitio detur: nec satis est, cautiones præscriptæ modò, rerum quæ ordo, tanti sunt momenti, tantæque religione observanda, ut si quis instituto vitæ genere, negotiis curisve impeditus, à sumendo exactè remedio avocetur; & vitæ genus mutare, & negotia refecare ad tempus debeat, si modò optatum sanitatis finem velit aliquando assequi.

De præparandi modo, hæc accipe, si corpus ægrotans plethoricum est, nephritici quæ obnoxium, venæ sectionem præmittito: diluentia, lenientia, blandæ cathartica adhibeto; balneo quæ corpus emolli: his rite institutis, menstruum faciliùs sanguini admiscetur, ipsi quæ intimiùs consociatur; aut nulla aut pauca exurgunt ab illius usu symptomata, latices quæ menstrui virtute dissolvende citiùs imbuuntur. Si inter utendum aliqua seviunt symptomata, faucium phlogosis, astrictio alvi, fluxus ve immodicus, hæmorrhoides, dolores nephritici, febris omnium symptomatum pessimum; his medeatur Medicus, ut artis est, augendo, minuendo, variè ve attemperando dosim saponis aut pulveris, differendo etiam remedium integrum ad tempus: sed ipsum proflus dimittere, absque evidenti necessitate, nefas, docuit enim non semel experientia, idem perfectæ sanitati restituisse non paucos quibus primùm nocere videbatur.

V

INTER omnia fere quæ extitère remedia magni nominis, fuit id commune omnibus, ut initio præsertim nec ita bene audierint, nec prosperos æque successus, ac in posterum, habuerint: sint exemplo cortex Peruvianus & radix Brasiliensis; ubi primùm inclaruère, ignorabatur, radicem Brasiliensem, in dispositione viscerum inflammatoriâ neutiquàm esse adhibendam, corticis vero Peruviani & cum cathartici optimè consociari posse vires, & continuandum esse illius usum etiam longo post fugam paroxysmorum tempore: dicendum idem de remedio hoc saponaceo; illius actio, vera licet, tenebris involuta fuit, donec apertis cadaveribus hominum quorundam (a) qui plurimi fuerant in usu remedii Anglici, quique vel calculi doloribus confecti, aut quovis alio morbo interfecti occubùere; tùm primùm emicuit lithonryptici virtus eximia: inventi sunt calculi (b) exsi, erosi, quasi carie tenati, calcinatos dixisses: hi defuâ substantiâ plurimum amisisse, mole quæ diminuti videbantur: ex horum superficie quæ albicans, emollita quæ apparebat, desquamabantur cortices iis similes, qui è vesicâ, dum viverent affatim exierant, friabiles scilicet atque cretacei, quique quò centro propiores erant, eò nativum calculi colorem atque duritiem magis retinebant: ex his eruitur certissimum argumentum invictissimæque probatio actionis remedii, quod pro votis cessisset meliùs, si inter ægrotantes plurimi, ingrato victi sapore remedii, illud diutiùs sorbere voluissent, quidam vero potuissent.

De eodem remedio observatum aliquid legitur & detectum curiosius. (c) & ad rem maxime comparatum: crudeliter vexabatur vir quidam calculi doloribus à viginti plus annis: cum remedium Anglicum diutiùs devorasset, tantùm ab eo accepit solatii, ut se perfectè sanatum arbitrareretur: exinde à remedio sumendo omnino destitit: duobus elapsis annis, lethargo correptus, interiit: apertum est cadaver; in vesicâ reperti sunt calculi duo mediocrius magnitudinis, qui cavi erant, qui quæ singuli in suâ cavitate unum continebant lapidem: hi calculi si inter digitos agitabantur, edebant sonitum, solet ut edere semen exsiccatum in suo nucleo inclusum: iidem lapides ferrâ transversim secti sunt, ex singulorum medio prodit calculus mollis, exesus, quasi putridus, & in pulverem digito jam comminuendus: isti nihil erant aliud quàm reliquiæ priorum calculorum, quos

(a) Recueil d'exper. & d'observ. sur les effets du remède de M. J. Steph.

(b) Ibidem. Observ. 18. 57. 100. &c.

(c) Ibidem. Lettres de M. Chefelden à M. Morand. Lettres de M. Sharp à M. Morand.

ægotans, dum viveret, dissolvere tentaverat olim ope remedii Alkalini saponacci, quibus que etiam tum impressi cernebantur morsus menstrui saponaceri: verum propterea quod ægotans satis diu non persistisset in usu remedii tam salubris, calculis jam jam in pulverem abeundis, proh dolor! novæ accreverant crustæ seu orbes lapidei qui lapsu temporum indurati exsiccati que magis ac magis laxius antiquas calculorum reliquias involvebant.

Hæc & alia ejusdem generis observationum momenta ab ipsis desumpta cadaveribus, nedum sanæ lithonryptici aliquid detraxerint, stabiliverunt contra, ipsius que virtutem promulgarunt. His edocti calculosi homines, imò facti certiores de istius medicamenti virtute dissolvente, certatim ad illud confugerunt, ut longo usu, medias inter potiones multo asperas fastidio, tardæ que plenas, huic quærent ægritudini medelam, cui nulla salutis spes affulget aliunde, nisi ab operatione Chirurgicâ, dolorum acerbitate, ancipiti eventu, recidivæ que metu nimium formidandâ. Si tamen aliquis eventa quædam parum felicitè adversus lithonrypticum nostrum, in malam partem detorquere vellet; cur non vicissim peteretur ab eo, ubinam gentium reperiat remedium ita specificum, ut effectu suo numquam careat?

À priscâ hominum ætate in detegendâ medicamentorum simplicium virtute, in scrutandâ specificorum vi, majoreque pollentiâ, huc usque insudatum est: eorum agendi modus, consiciendorum ratio & norma, applicandorum tempus & occasio, indefesso labore indagata sunt: hodierni remedii, ut quid ratio par non haberetur? ut-quid non animum intendere, sive ad ipsius explorandas meditando vires & energiam; sive ad ipsius, observando, ampliandas persciendâsque proprietates? quò & incommodi minus & plurimum utilitatis ab ipso rederet. Ad id ut allaboremus, eò animosius impelli debemus, quòd observationum sanationum que prima seges, tum apud externos tum apud nostros excerpta, remedii saponacci vim solutivam præmonstrare & spondere meritò jam visa est.

*Ergò calculo renum & vesicæ, pro naturâ calculi, ætate & temperamento ægotantis,
Remedium Alkalino-Saponaceum Anglicum.*

DOMINI DOCTORES DISPUTATURI.

<i>M. Ludovicus Guillelmus Le Monnier.</i>	<i>M. Carolus Dionis.</i>	<i>M. Nicolaus Andry, Antiquus Facultatis Decanus & Lector Regius.</i>
<i>M. Josephus Exuperius Berzin, Supremi Valachiæ & Moldaviæ Principis Medicus Primarius.</i>	<i>M. Gedeon de Rabours.</i>	<i>M. Philippus Caron, Antiquus Facultatis Decanus.</i>
<i>M. Joannes-Ludovicus Baude de Lacey.</i>	<i>M. Laurentius Ferret, Chirurgiæ Gallicæ Idiomaticæ Professor designatus.</i>	<i>M. Petrus-Joannes Burette, Professor Regius, & de Regiâ Numismatum Academicus.</i>

Proponebat Parisiis PETRUS-JOSEPHUS MACQUER, Parisinus, Baccalaureus Medicus, A. R. S. H. 1742, à sextâ ad meridiem.

Typis QUILLAU, Universitatis & Facultatis Medicinæ Typographi, 1742.